



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 313. Usque Ad Annum 361

Fleury, Claude

August. Vind. [u.a.], 1758

VD18 90117778

§. 31. Georgius in Sedem Alexandrinam intruditur.

[urn:nbn:de:hbz:466:1-66022](https://nbn-resolving.org/urn:nbn:de:hbz:466:1-66022)

Sæculum IV. verunt, ut furere desinerent; Arianorum
 A. C. 356. contra inde contumacia crevit.

§. XXXI.

Georgius intruditur in Sedem Alexandrinam.

Ann. Marc. l. XXII. c. II. **G**eorgius, quem Episcopum Alexandrinum ordinaverant Ariani, erat natione Cappadox, obscuris natalibus, fullo- nis filius. Juveni parasitorum conditio præ cæteris placuit, eratque illi semper amicissimus, cujuscunque mensa lautius gulam satiasset. Deinde negotiationi se dedit, & quæ militibus alendis caro porcina distribui solebat, hanc ipse cœ- mendi curam in se suscepit; at pessime administratione sua functus, omnibus- que, quæ habebat, consumptis, Constantinopoli, ibi enim egregium munus obierat, auffugiens, per varias Provin- cias erravit. Homo scientiarum omnium experts, ingenii illiberalis, & injucundi, amœnioribus Musis ignotus, Christianus nomine, re Gentilis eam Doctrinam se- quebatur, quæ rebus suis utilior videba- tur; pietatem nequidem externe profi- tendi cura erat; sed avaritiæ vitium non premebat, ad omne malum pronus, per- turbator pacis, & natura ad crudelitatem comparatus.

Ath. de Synod. p. 912.
Idem in Ar. or. I. p. 290.

Tantum virum Ariani præ cæteris omnibus dignum judicarunt, qui, S. Athanasio depulso, Sedi Alexandrinæ imponeretur, quia rebus gerendis parem, & suæ factionis ex asse devotum credebant. Ab ipsis in Episcopum ordinatus creditur Antiochiæ in Conciliabulo triginta Episcoporum suæ factionis congregato, anno 354. ubi iterum damnato S. Athanasio, ad omnes deinde Episcopos litteras dederunt, ne quis cum eo communicet, sed Georgio, quem ordinassent. Quidquid vero de ejus ordinatione sit, Alexandriam ingressus tempore Quadragesimæ hujus anni 356. ad festa Paschalia furere cœpit. Populus Catholicus relicta Ecclesia illa S. Die, & Dominicis sequentibus in loco deserto prope cœmeterium congregatus est. Septimana Pentecosten sequente, populus, postquam jejunasset, in eundem locum ad orandum venit, quod ubi Georgius scivit, Ducem Sebastianum, qui erat Manichæus, instigavit, ut illuc iret; fecit ille, quod petebatur, & ipsa Dominica illuc ultra tria armatorum millia duxit; ergo populum istum mixtis mulieribus, & infantibus ad orationem congregatum armata manu invadunt, dilapsa tamen majori parte, pauci remanserant. Sebastianus, cum ingentem rogam accendi jussisset, mortis horrendæ metu a Virginibus extorquere

Sæculum IV.
A. C. 356.

Sozom. III.
hist. c. 7. in
fin. id. l. IV.
c. 8.

Pagian. 354.
§. 9.

Ap. p. 692.

de fuga. p.
704.

Sæculum IV.
A. C. 356.

volebat, ut, se Arii Doctrinam sequi, profiterentur, & dum, ad flammaram aspectum imperterritæ, fidem negare recusant, velamine spoliantur, percutiuntur in facie, & ea crudelitate deformantur, ut post longum tempus eorum vultus a sibi antea familiarissimis vix agnosci potuerit. Ipso iubente, quadraginta viri comprehensi, quorum dorso palmarum ramis, recens ab arbore divulsis, & adhuc spiculis armatis concisa sunt; palmarum flagellatorum carni ita profunde incussi, ut iis extrahendis arte chirurgica opus fuerit, & incisionibus cruentis, atque non nulli ex hac laniena extincti sint. Quædam Virginum eadem sævitia caesa. Occisorum corpora postulantibus propinquis non restituebantur, sed primum occultata, deinde canibus projiciebantur, unde a suis non sine periculo ablata, secreto sepeliebantur. Hi inter Martyres relati sunt, eorumque memoriam 21. Maji Ecclesia agit. Qui superstites fuerent, in desertum, quod magnam Oasin dicebant, in exilium migrare compulsi sunt.

*Martyr.
Rom.*

§. XXXII.

Persecutio in urbe Alexandria.

ad Solit. p. Athanasi investigandi specie quædam
849. 859. domus obsignatæ, aliæ direptæ, etiam sepulchra perfracta, & aperta; deposita,